

آبونه شرائطی : هریر ایچون
 سنه لکی (۴۰۰) آتی آیلنی
 (۲۲۵) ممالک اجنیه ایچون
 سنه لکی (۴۵۰) ، آتی آیلنی
 (۲۵۰) غروشدور .

نسخه سی ۷,۵ غروشدور .
 سنه لکی ۵۰ عددور .

اداره خانه : باب عالی جاده سنده
 رشید افندی خاندنه

اخطارات

آبونه بدلی پشیندر .

مسلكه موافق آثار مع الممنونیه
 قبول اولنور . درج ایدله یین
 یازیلر اعاده اولنماز .

المجله

آدره من تبدیلندم ایریجه
 غروشن کوندردملیدر .

مکتوبلرک امضاری واضح
 و او قوناقلی اولسی و آبونه
 صره نومروسی محتوی
 بولونسی لازمدر

ممالک اجنیه ایچون آبونه
 اولانلرک آدرس لری نك
 فرالسزجه یازلسی رجا اولنور .

پاره کوندردلیدیکی زمان نهیه
 دائر اولدیفی بیلدیرلسی
 رجا اولنور

اتبعون اهدکم سیل الرشاد

صاحب و مدیر
 اشرف ادیب

باش محرر
 محمد عاکف

والله یهدی من یشاء الی صراط مستقیم

چاغير مش وسبب شكافتي صور مشدر. او آدم ده جناب حق سكامسلمانلرك
ايشلرني توديع ايتدى. سن مسلمانلرك ايشلرني بر طرفه بيراقه رق
مسلمانلرك باره لرني طوبلامغه قويولدك. كندكله مسلمانلر آره سنده
طاشدن طوبراقدن سرايلر، دمير قابولر، سلاحلى عسكرلر اقامه
ايدرك كندى صاقلادك. مسلح آدملرني باره طوبلامغه كوندردك.
طيتي بونلر تبعه نك حالتدن سكارشي سويله ميورلر. آنجق ايسته ديكنك
برقاچ آدمي حضورينه بيراقورلر. بويوزدن هر طرفه بني وفساد
ظهور ايتدى. وسن غفلتمده بويان قالدك.

منصور بوسوزلري ديكه نجه بك متاثر اولمش و هيچقبره هيچقيره
آعلامشدى.

صوكره (حجاج) لك ظلمني، غلظتي، خونخوارلغني طويمايان
وarmi؟ فقط بو آدمك جبروت وقهرى مسلمانلري حق اعلاندن واز
كچيره مامشدى. بر كون (حطيط الزيات) ي قارشيسنه اسير اولارق
كتير مشلردى. حجاج بوذاني كورونجه « حطيط سمنيسك؟ » ديدى.
اسير: « اوت، ديدى، ايسته ديكني صوراييليرسك. جناب حقه قارشي
اوج صفقي محافظه ايتمي عهد ايتدم: بر سوال صورولديني زمان
طوغري ي سويله مك، اذا وجفايه اوغرايغ زمان صبر ايتك، عافيت
ايچنده ياشانجه شكر ايتك. بونك اوزرينه حجاج ديدى كه: « نيم حقمده
نه دوشونيورسك؟ » حطيط شو جوابي ووردى:

— « سن اللهك ريوزنده دشمنيسك. محارمي هتك ايدنيورسك،
برشه اوزرينه انسالري اولديرييورسك! »

حجاج بر سوال دهاصوردى:

— امير المؤمنين (عبدالملك بن مروان) حقمده نه ديرسك؟

— اونك جنايي سنك كنددن دهابوك. وسن آنجق اونك ارتكاب
ايتديكي جرملرك ريسك! »

ايسته مسلمانلر بويله ايديلر. پادشاهلرله امرايه قارشي بويله مجادله
ايدلر و هيچ برشيدن پروا ايتمزلردى.

ظن ايدنيورميسكز كه غرب استيلاسي مسلمانلري حقندن چورر؟
اصلا. مسلمانلر دهاول تاناراستيلاسنده دوچار اولمشلر، قيرلشلر،
خردوخاش اولمشلردى. ناصل انكلتزه اسلام مملكتلرني بايمال ايتدى،
خلافت دولتي پارچالادى، شرق مملكتلرينك حرיתי اغتصاب ايتدى،
آناطوليدكي مسلمانلرك سل كي قانلرينك دو كوله سني روا كوردى
ايسه طبق تانار استيلاسي ده بويله اولمشدى. تانارلرده وحشي برصولتله
اسلام مملكتلرينه آقن ايتمشلر، مسلمانلري قيليچدن كچيرمشلر، خلافت
عباسيه ي بيغمشلردى فقط هلاكوخان، منكوخان و سارنهك قيليچلري
علماي اسلامي صوصديره بيلديمي؟ ناير. ايرانك شاهرا لايموتي سعدي هلاكو
خانك بوزينه قارشي « ظالمسك! » ديمشدى. شيخ الاسلام (احمد بن تيمه)،

(ابا قآن) لك بوزينه قارشي لعنت او قومشدى. اوت، تانارلرك الله
قافلري بر آنده اوچوران قيليچلر واردى فقط مدني انكلتزه ملتلك
هندستان قانون جزاسنه ادخال ايتديكي (۱۲۴) نجى ماده يه معادل بر ماده
جنكيز اختلالنده بيله يوقدى.

شيمدى بز مسلمانلر كندى اسلام حكومتلرمنه قارشي بو خط
حركتي تعقيب ايدرسك بواجبي حكومت بز دن نه بلكه يه بيلير؟ انكلتزه
حكومتى نظرمنده، شرعاً و ديناً اطاعتى واجب اولان حكومتلردن
دهامعززمي صاييله جق؟ بشنجي قرال جورج حضرتلري واونك والي
عموميسي لورد ريدينغ جنايلري نظرمنده (عبدالملك بن مروان) دن
(حجاج) دن دهامحترم بر موقعي اشغال ايدمك؟ غير مسلم اجنبي
حكومتله ملي حكومت اسلاميه آره سنده كي شرعي فرقي، هايدى، نظر
اعتباره آليه لم، لورد (جلمسفورد) ايله لورد (ريدينغ) « حجاج ايله
خالد القسري يه قارشي سويله دكلمزي اولسون سويله ميه لم مي؟ » بز حجاج
ايله همپارينه « ريوزيني ظلم ايله طولديرديكز. الله دن قورقيكز. ديمشك.
وكون بونك عيني سويله يورز. استبدادي امحا ايدنجه يه، ياخود بز محو
اولونجه يه قدرده سويلكده دوام ايدمكز! »

تجدد

امطام دينيك نسخ وابطالي ديمك بيدر؟

چكن هفته اقشام غزته سي باش محرري نجم الدين صادق بك
سرخوشلر حقمده حد شرعيناك تطيقي مناسبيله « جمهوريت دورنده
قوانين شرعيه نك تطيقي اولونه ميايه جني » دعواسني ايلري سورمش وقوانين
شرعيه حقمده استخفافكارانه بر مقاله نشر ايتمشدى. مومي اليك بو
نشرياته قارشي چكن نسخه منده جواب وپرمش وبومنا بتله ديمشك كه:
« مسئله دكنك مسئله سي دكلدر. اوني سرشته اتخا ايدرك قوانين
شرعيه نك اساسني رخنه دار ايتكدر. اصل وجهه تعرض اودر. يوقسه احكام
وقوانين شرعيه نك ديكرلري قبوله شاين كورولوبدم يالكز بو نقطه سنده
اعتراض ايديلور، ديمك دكلدر. بو، اصله هجوم ايچون بر وسيله در. »
في الحقيقة مقصودك بوندن عبارت اولديغني بو كره نجم الدين صادق
بك « تجدد فكرلرينك تطيقي لازمدر » سر لوحه لي ديكر بر باش
مقاله سنده بوتون وضوحيله ميدانه قويمشدر. مومي اليه بو مقاله سنده
تجود مناسبيله سلطنتي « روحاني و جسماني سلطنتلر » ديه بر تفريقه
تابع طوته رق دينك بر سلطنت روحانيه، دولتكده بر سلطنت
جسمانيه ماهيتده اولمسي اشرا ب ايله تجددى سلطنت روحانيه نك
سلطنت جسمانيه دن آريلسي صورتنده تفسير ايدنيور؛ ديكر طرفدن ده
« حباتك يالكز مادياتدن عبارت اولمايغني، معنوي قسمنده ده،
تابع اولديغمز اوروپا مدنيتك بوتون ترقيلرندن استفاده ايدمكزمي؟ »

معنویات ساحہ سنده تجدیدن مقصد اولاً آسیالی دکل، اوروپالی اولدیفیزی قبول ایتک و بونک ایچون دولت ایشلرندہ ، حیاتی معاملاتده دخی تمامیلہ آیرمق لزومنی ایلری سورییور .

« اقتصادیاتده ناصل اوروپا قیافتنی ، اوروپا اصوللری قبول ایدیورسوق حقوقده عینی اصوللری قبول ایدہ جکمز، ازدواج ، طلاق ، وراثت الخ کبی انسانلرک یکدیگرله مناسباتی تعیین ایدن بوتون احکامک مدنی قانونلرله تثبیت ایدیله جکمی ، ادما ایلیرور . وبالنتیجه دییورکه :

« یالکز وجدانلرده حاکم اولان دین و شریعت ، آرتیق دولت معاملاتده ، انسانلرک مناسبتلرندہ حاکم دکدر . هرشی ثابت ومدون قانونلرله تابعدر . یعنی دین آیری بر مؤسسہ در ، حقوق ، اقتصادیات ، اخلاق ، بدیعیات آیری ودیندن تمامیلہ مستقل مؤسسہ لدر . ایشته تجدید بو دیمکدر . ارتجاع ، دولته بر سلطنت روحانیہ صفتی بخش ایتک ، بوتون معاملاتده قانونی دکل ، شریعتی طایقدر . »

بزبوکا قارشى ایلک سوز اوله رق « کدام غلطه ارا تصحیح میکنم » دییه جکمز . بر طرفدن روحانیت و جسمانیت تفریق یایمق ، دیگر طرفدن حیاتک معنویاتی دخی قبول ایلہ جسمانیتک نفوذ و تأثیرینه تابع طوته رق تجدید یایدیرمق نه قدر بویوک تناقضدر ! ملت که مادی ، معنوی استقلالنی تأمین ایتک ایچون دنیا تک بوتون فلاکتلرینه کوکس کرمش و بصورتله کندینی عالمه طایتدیرمشدر ، بویله بر ملتی اوروپالی تابعیتنه صوقق نه دیمک اولدیفیزی عبادارالفنون معلمی ادراک ایدہ مه مش میدر ؟ مناسبات مدنیہ تک بر آهنگ اجتماعی اولدیفیزی قبول ایدلم . فقط بویله هر حالده متقابل بر آهنگ اولمیدر که معنای مدنیسی آکلاشیله بیلسون . اوتقابل حسابہ آلمق سزین تابعیتدن بحث ایتک عجباً اسارتدن باشقه نه معنا افاده ایدر ؟ کوکمز ایستردی که دارالفنون اجتماعیات معلمی بوکبی مسئله تماس ایدرکن هیچ اولمازسه قوللاندیفیزی کلک ، مضمون و شمولنی تعیین ایدہ بیلسون دیندن ، اسلامدن بحث ایدرکن دین اسلامک نه دیمک اولدیفیزی ، ماهیتی نه دن عبارت بولوندیفیزی بیلمش بولونسون . طوغروسی ، بزبو مقاله ده مسلمانلنی اساسندن آتوب خریستیانلق اساساتی تجدید نامی آلتندہ ایلری سورمکدن باشقه برشی کوره مدک . چونکه دارالفنون اجتماعیات معلمنجه معلومدر که انجیل و قیصرک حققی قیصره ، اللهک حققی اللهه و یرمه یی ، توصیه ایدر . فقط نجم الدین صادق تک بزقرآدن بویله بر آیت کوستره بیلیرمی ؟ استاد محترم شیخ عبدالعزیز چاویش حضرتلرینک انجیلخان کلیسا سینه ویردکاری جوابک باش طرفلرندہ ایضاح اولوندیفیزی وجهله ، خریستیانلق یالکز حیات روحانیہ ایلہ گلش و تعبدی اساس مطلق اتخاذا ایتمش ، بالآخره رؤسای روحانیہ تک مداخله فی اولقسزینده اجرائی عبادتہ مساع برقاممشدر . بوندن طولانی خریستیانلقد روحانیت تعبداتده حاکم بر حکومت روحانیہ تشکیل ایتمش

وصوکره دعواسی خلافتہ دنیا یه ده آل اوزاتهرق معاملات جسمانیہ یی ده صرف و تعبدی احکام ایلہ اداره ایتک ایشته مشدر . ایشته اوروپا ، خصوصیلہ فرانسه انقلاباتنده عامل اولان تفریق مسئله سنک حکمت اساسیسی خریستیانلنی ماهیت اصلیه سنه ارجاع ایتکدن عبارت ایدی . برده بونک سیاسی بر سببی وارایدی که اوده حکومت روحانیہ رئیس اولان پاپاک حائز اولدیفیزی حکومت جسمانیہ ، دیگر حکومتات جسمانیہ تک خارجنده بولونمق اعتباریلہ او حکومتلرک منافعیله متناسب اولیان تأثیرات ابقاع ایدہ گلکیدى .

حال بو که دین اسلام بوانقلابک الک مهمنی کندیسى یاه رق دنیا یه گلشدر . فی الحقیقه تعبداتہ متعلق برخیلی احکامی مشتمل اولقله برابر الله ایلہ قوللری آره سنده هیچ بر فردک مداخله و توسطنی قبول ایتمه مش و بصورتله حکومت روحانیہ مسئله نی کوکندن قالدیرمشدر . اسلام تعبداتی دائره نوچیدده بویله کمال صفوتیه تکامل ایتدیررکن عینی زمانده انسانلر الک بویوک رحمتی حقوق و شرعیاتنده کوسترمشدر . بر نقطه نظر دن ده نیله بیلیر که اسلام دیمک احکام شرعیسی دیمکدر . مکتب محمدینک بشریتہ نشر ایتدیکی بر علم حقوق واردر که بونک ماهیتی بوتون مناسیلہ علمی و فنی تعلیلات و تطبیقات عقلیه در . بوراده اجتماع بشری هیچ بر توقفه تابع اولمادن نامتناهی یورویه بیلیر . هر حکمی ، هر قانونی « نیچون ، ی ایلہ برابر تعقیب ایلہ بیلیر . بوراده حیاتک تجدیدات لازمه سی توقیف ایدہ جک تعبدیوقدر اولسه اولسه فطرت انسانیه یی و آنک محتاج بولوندیفیزی لازمه عدالت حقیقتنی تغیر و تبدیلدن محافظه ایدہ جک لایموت اساسلر واردر . اوروپا نیچوتی بیلهرک قانون تطبیق ایدہ بیلیمک ایچون حکومت روحانیہ دن آیریلیدوردی . نجم الدین صادق بک ایسه نیچوتی دوشونمیه رک اوروپا یه تعبد ایتک ایشته یور .

ایواه ، بردارالفنون معلمی ایچون نه بدبختلقدر که مسلمانلرک تا بدایتنده یایدینی بویوک انقلابک ماهیتی ادراک ایدہ مسنون ده اسلامیتی خریستیانلق کبی تلقی ایلسون !

حاصلی اسلامیتده ایکی نوع احکام واردر : بری احکام دنیویه ، دیگرى ده اخرویه در . بونلرک ایکسی ده احکام دنییه در . احکام اخرویه ایچون بر حکومت یوقدر . واسلام هیچ بر فرده ، هیچ بر مقامه بو باده مداخله و حاکمیت قوتی طایممشدر . مسلمان نمازنی قیلارکن پیغمبرینی بیلہ تشریک ایدہ من . ایدرسه مشرک اولور . مسلمان آنحق و آنحق الله ربط قلب ایدرک اجرای عبودیت ایدر . و پیغمبرک ده اللهک قولی و رسولی اولدیفیزی سویلهرک کندیسى ایچون اولدیفیزی کبی پیغمبری ایچون ده آنحق دعاده ، رجا و نیازده بولنور .

اسلامده حکومت دیننجه مسلمانلر شریعتک دنیوی حکملرینک اجرا و تطبیق قدرتی بالنیابه حائز اولان بر قدرت حاکمه آکلارلر .

اصل دین اولان قرآن و سنت پیغمبری به ارجاع نظر ایدیلدیکی زمان کورولورکه احکام دنیوییه متعلق تفصیلات احکام عباداته عائد بیانندن چوق فضله در . مثلاً نماز حقنده کی بیانات ایله نکاح، طلاق، میراثه عائد بیانات مقایسه ایدیلیرسه صوکره کیلرک دهازیاده تفصیلاتیله تبلیغ بو یورولقلری واضح صورتده مشاهده اولنور . کذلک بخاری و مسلم کی کتب احادیث کوزدن کچیریلیرسه هرایکی نوع احکام حقنده کی تفصیلاتک مقایسه سی ینه عینی نتیجه یی اظهار ایدر .

شیمدی نجم الدین صادق بک سلطنت شخصیته نك ملغا اولدینی شو زمانده برسلطنت روحانیه، برده سلطنت جسمانیه تفریق یاهرق وجوده کتیرمک ایسته دیکی تجدیده عجا سلطنت روحانیه یی مسلمانلرک تعبدانه مداخله ایتدیرمک می ایسته یه جک ؟ یعنی پیغمبره بیله ویریله یی و اسلامده شرک عد ایدیلن برسلطه می تأسیس ایتمک ایسته یه جک ؟ صوکره سلطنت جسمانیه یه احکام دنیوییه اسلامییه یی تطبیق ایچون صلاحیت ویرمه یه جک می ؟ اسلامک بودنیوی احکامی بالطبع «سلطنت روحانیه» دیدیکی مؤسسه یه ویرمه یه جک . چونکه بوا حکامه جسمانی دییور، عینی زمانده سلطنت جسمانیه نامی ویردیکی حکومتده ویرمه یه جک . چونکه بوا حکام دینی صفتی حائزدر . او حالده اسلامک بوا حکامی نه اوله جق ؟ مسلمانلرک قیامت قدر باقی اولدیغنه اعتقاد ایتدکاری بو قوانین شرعیته نك منسوخیق حقنده یکی برنص می نازل اولدی ؟

بک اعلا کورولورکه بوکی سوزلر، بوکی فکرلر دین اسلامک ماهیتی تحریف و دنیایه متعلق بوتون احکام جلیله سی الغا غایه سی استهداف ایتمکده در . اساساً - ایضاح ایتدیکمز وجهله - حکومت روحانیه قبول ایتمین اسلامیت مملکتتمزده حکومت جسمانیه دنده محروم قالیرسه نتیجه نه اوله جق ؟

دارالفنون اجتماعیات معلمنه شونی اخطار ایتمک ایستزکه مسلمانلر (دین) دینلدیکی زمان افراد بشرک سانحات خصوصیه سندن کیف ماتفق طوغان او هام و خیالات و یا اساطیر و خرافادن عبارت تمایلات نفسانیه تلقی ایتزلر . بلکه بشرک افعال اختیاریه سی غایه فضیلت و سعاده ایصال ایدم جک بر صورتده اداره ایتمی لازم کلن معیار حقه و دساتیر حقیقه ایمان و اعتقاد، تعیر آخرله نم جلیله الهیهیه موصل اولان بر صراط مستقیم تلقی ایدرلر .

اخلاقی دیندن آییرمق ایستین نجم الدین صادق بک (فیخته) نك « دینسز اخلاق عبث ، اخلاقسز دین خرافه در . » سوزنی البته بیانیلرلردی . فقط دینی هرشیدن تجرید ایدرک خرافه حالنده بر ایمایه معروض طومق ایچون بوراده تجاهل عارفانه اسلوبی التزام ایتشاردر، ظن ایدم درز .

دارالفنونمزک اجتماعیات معلمی علم اجتماعی یی اون سکزنجمی عصر

ملحدلری نقطه نظرینه کوره دکل، اوفکرلرک و کونکی نتایج مضره سی دهاعلمی بر صورتده تعدیل و اصلاح احتیاجی دویان حکمای عصریه نك تلقیاته توفیقاً مطالعه و اوکا برآزده نشوه اسلامی افاضه ایتلری اقتضا ایدرکن مع التأسف نه علم اجتماع ایله ، نه ده علم دین ایله اصلا مناسبی اولمایان عندی برطاقیم مطالعات ایله قوانین شرعییه یی فسخ وابطاله قالفیشمق ایسته مشدر . انسان بیان مطالعه ده بولمق ایسته دیکی بر موضوع حقنده برآز اولسون معلومات صاحبی اولمق لازمدر . دین اسلام حقنده سطحی بر معلوماته بیله صاحب اولمادی یی یازیلرندن آ کلاشیلان مومی الهک بوجرا تیکارلنی نه قدر فضولی اولیور ! باشقه مملکتلرد . اولسهیدی بویله علمه کلیاً مغایر بر مقاله نشر ایدن بر معلمه ، بر مدرسه دارالفنون قابوسندن آیق بیله آتدیرمازلردی . بک اعلا کورولورکه نجم الدین صادق بک موقی دارالفنون کرسیسی دکل ، آنجق طلبه صیره لیدر . بز دارالفنونمزک حیثیت علمییه سی نامنه رجا ایدرکه هر نه صورتله اولورسه اولسون او معلا کرسیلری اله کچرلرل باری سکوت ایتسونلر ، مطبوعانده علمی مسئله لری موضوع بحث ایدرک ارباب علمی یأس و فتوره دوشورمسونلر . باشی بوش بر آدم عقلنه أسن هرشیئی سوبیله ییلر . فقط بردارالفنون معلمی ایچون بویله میدر ؟ علمک ، قوجه بر دارالفنون مؤسسه سنک هیچ بر حیثیتی یوقیدر ؟

بوندن باشقه نجم الدین صادق بک تمامیه خلاف حقیقت اولمق اوزره « دین و شریعت ، آرتیق دولت معاملاتنده ، انسانلرک مناسبلرنده حاکم دکلدر . » دییور . بوکون عجا محکملردن احکام دینییه یی محتوی اولان مجله قالدیریلدی می که نجم الدین صادق بویله سوبیله یور؟ ملت مجلسی، تشکیلات اساسیه قانونیله درعهده ایتمش اولدینی احکام شرعییه یی اجرا و تنفیذ صلاحیتی اوزرندن آتمش میدر؟ عجا دهادون دولتک دینی دین اسلام اولدینی حقنده تشکیلات اساسیه یه علاوه ایدیان ماده قانونیه معناسیز برشی میدر ؟ بو قدر حقایق ، بو قدر صراحت قانونیه قارشوسنده نجم الدین صادق بک بوکونکی انقلابی ، بوکونکی حکومتی نیچون بویله دین و شریعتدن متجرد گوسترمک ایسته یور ؟ مومی الهک بویازیلری اوقویان مسلمانلر نه قدر اندیشه یه ، نه قدر یأس و فتوره دوشرلر ! نجم الدین صادق بک « حکومت دین ایله مناسبتی کسملی ، نم آرزو ایتدیکمز وجهله تمامیه لایق - لادینی برشکله کیرمایدر . » دییه ییلیر . فقط « دین و شریعت ، آرتیق دولت معاملاتنده ، انسانلرک مناسبلرنده حاکم دکلدر ، دییه مز . چونکه بو حقیقه مغایردر ، کذب محضدر . ها ، نه وقت ، مجله بیرتیلهرق محکمه لردن آتیلیر ، بویوک ملت مجلسی احکام شرعیته نك اجرا و تنفیذ وظیفه سی اوموزلرندن آتار، حکومت دولتک دین اسلام ایله علاقہ سی قالدیغنی اعلان ایدر ؟ او زمان

ملک استہدیک

آنقرہ دن ارضوم مبعوث ضیاءک افندی طرفدن کوندربلیور :

سبیل الرشاد ہربرہ اسلامیت

مشروطیتک ظہورندبری سیاسی بر مقصد تعقیب ایتیمہرک یالکیز بشریتک مادی ، معنوی احتیاجاتی تطمین و ہیئت اجتماعیہک سعادتتی تأمین ایدن دین مبینک حقایقی ، غوامضی تشریح و نشر و تعمیم ایله عالم اسلامی فیضیاب ایدن محترم غزنیہ کز عموم ملتک مظهر توجہ و قبولی اولمشدر . جریدہ محترمہ کز کبی بو قدر انقلابات دورلرنده هیچ بر جریانه تابع اولیہرق لاقیدلر آرمسندہ حساس ، دالقاو قلم میاسندہ حق و فضیلتپرست اولملہ مزایای نجیبہ اسلامیہ و انسانیتک مقام بلندی احراز ایدن بر مجموعہ ایچون بتون مسلمان قلبلرینک اک محترم گوشہ سنده صمیمی بر محبت بسله نیور . اوتہ دنیبری اسلامک احکام و شعائرینی ، اجتماعیاتی ، آداب دینیہ و ملیہ سنی و ہنہ اوغراتمق ایستہین بر کروہ لایفک چون ایچون دہ ہر طرفدن عموم ملتک وجدانندن فوران ایدن حس نفرت و صدای تلین دایما یوکسہ لیور . غریبک بتون معارفی ، صناعی آلمق صورتیلہ ہر فرد ترقی و تجمدد ایستہ یور . فقط حسیاتی ، عقائدینی ، ہویت و وحدت ملیہ سنی خللندن مصصون بولندیرہ جق بر تجمدد ایستہ یور . اسلام قادیلرینک بارلہ کیدوب اسلام و خرسدیان کنجریلہ قول قولہ دانس و شانولردہ آقریسلاک ایتدیرمکہ و دیگر مواقعہ قاریشق اوطورتدیرمق کبی شعار اسلامیہ و اخلاق عمومیہ چیکستہرک عفت و ناموس ملیہ سنی باشقہ لرینک تأمین ذوقی یولندہ فدا ایتدیرمہ تی خوش کورن و تشویق ایدن توردہ دیلرلہ حکومت ملیہ منبرک مناسبت و علاقہ سنی اولہ من . چونکہ ملتی غریبک عرفاییلہ دکل ، چرکاب و رذائلیلہ تلویث ایتک ایستہین و اتحاد حکومتی زمانندہ دخی اسلامیتہ منافی بر طاقم ہذیان نشریاتلہ افکار عمومیہ تی تہییج و او ادارہ تی سقوطہ محکوم ایدن بوشر ذمہ قلیلہ ہیئت عمومیہ جہ معلومدر . قانلرینی بیلہ احکام شرعیہ ایلہ تأیید و تثبیت ایدن حکومتیز ، بو مقربوب کبی سایہ سندہ کچندیکی وجودک قاتی تسمیمہ چالیشان اسافل طانیر ، مہیتلرینی بیلیر و غرب سفاہتی آرزوسیلہ دماغلری تفسیح ایدن بر قاج سرسرینک دوشونجہ سیلہ ملیونلرلہ اسلام کتلہ سنک یورودیلا میہ جگنی دہ تقدیر ایدر و ایدہ جکدر . مع مافیہ انتقام الہینک شکل مخصوصی یوقدر . فضاحت فضیلتہ غلبہ ایتک ایستہینجہ کندی ثقاتی آلتندہ ازیا چکی قانون خلقت اقتضاسندندر . (فسیعلم الذین ظلموا ای منقلب ینقلبون) الآیہ

ارضوم مبعوث

۲۶ تشرین ثانی سنہ ۱۳۳۹ ، آنقرہ

ضیاءالرمہ

نجم الدین صادق بک بویلہ سویلہ یبیلیر . فقط بوکون سویلہ یہ من . سویلرہ افترا ایتمش اولور .

صوکرہ معاملاندہ شریعتی طامیق ارتجاع اولدیغنی سویلیور . دیمک کہ نجم الدین صادق بک کورہ بوتون مملکت خلقتی ، بویوک ملت مجلسی ، حکومت ہمسای اہل ارتجاعدر . زیرا بوکونلہ الحمد ہمسای شریعتی طانیور . ملتیز باشند بانیہ کمال صدق و خلوص ایلہ شرع محمدی بہ مطیعدر . و حکومتی دہ بز بویلہ سلیورز . مجلس اعضاسی آرمسندہ نجم الدین صادق بکک فکرندہ بر طاقیم ذوات وار ایسہ اولنلرک کیمک نامہ بوفکرندہ بولوندقلری بیلمیورز . ہر حالہ بزم ملتیز آرمسندہ نجم الدین صادق بکک فکرندہ اولانلرک ہمسای بر آرمہ طویلا نسلر ، بکونلرینک جذر مکعبی دہ آلسلرینہ بر مبعوث چیقارہ جق قدر بیلہ حد نصابی بولہ مازلر . او حالہ شریعتی معاملاندہ طامیق ایستہینلرک ، یعنی دینک احکام دنیویہ سنی نسخ و ابطال ایتک ایستہینلرک سوزلری بوملت نامہ دکل ، بلکہ روس ملتی ، یاخود فرانسیز ملتی ، یاخود دیگر یابانچی بوملت نامہ اولہ بیلیر .

صوکرہ اسلامدہ سلطنت روحانیہ اولمادیغنی ایچون دولہ بویلہ بر صفت بخش ایتک ایستہینلردہ مسلمانلر آرمسندہ بولونہ ماز . بوکبی آداملردہ اولسہ اولسہ اسلامک غیری ملتلردہ بولونہ بیلیر .

الحاصل نجم الدین صادق بکک بو مقالہ لری علوم اجتماعیہ و دینیہ نقطہ نظرندن بر قیمت علمیہ تی حائر اولمادیغنی کبی سیاست دہ هیچ بر فائدہ تی متضمن دکادر ، بلکہ حقیقتہ مخالف اولملہ ضرری مؤیددر . بک محتاج اولدیغیمز (تجمدد) ی ملتہ بوسورتلہ کوسترمک ایستہینلرک مقصدینی طوغروسی بز آ کلایہ مایورز . بز (تجمدد) ی خلقہ قارشی بویلہ قوانین شرعیہ نک حکمدن ساقط اولمسی سککندہ کوسترسہک بوندن منفعتی ، یوقسہ مضرت می حاصل اولہ جغنی آ کلامق ایچون اوقدر بویوک ادراک صاحبی اولہ یہ احتیاج یوقدر . آزیحق عقلنک حکمنہ اطاعت کوسترنلر بونی آ کلایہ بیلیر . نجم الدین صادق بک ، سز دارالفنون معلمی اولہ جقسکیز ، سزہ بویلہ باشی بوش قلملرک کاری اولان یازیلر یاقیشماز . سز منسوب اولدیغکیز دارالفنونک حیثیتی دہ محافظہ ایتککہ مأمورسکیز .

تجمددی بویلہ قورقونج بر شکلدہ کوسترتہرک خلقتی تجمدددن صوغوتمقدن هیچ بر فائدہ حاصل ولماز . تجمددی خلقہ سودیرما من لا مدر . اساساً تجمدد ایلہ مسلمانلر شرعاً مأموردر . شوقدرکہ بو تجمدد ہویت ملیہ تی محافظہ ایدہ بیلہ جک بر شکلدہ اولمالیدر . بز مسلمان قالہرق تجمدد ایتک ایستہ یورز . مسلمانلنی بر طرف ایدرک حصولہ کلہ جک تجمددی ملت ایستہ میور . چونکہ او ، تجمدد دکل ، نصردر . آ کلادیگیزی نجم الدین صادق بک افندی !